

Sier Filippo Trun, fo avogador di Comun, qu. sier Priamo	70.113
Sier Beneto Valier, è di Pregadi, qu. sier Antonio	73.110
Sier Pellegrin Venier, fo al luogo di Procurator, qu. sier Nadal . .	55.126
Sier Vettor Morexini, fo provedador sora la Sanità, qu. sier Jacomo.	65.111
Sier Marco Memo, è di Pregadi, qu. sier Andrea	67.117
Sier Bernardo Marzello, fo cao dil Conseio di X, qu. sier Andrea.	105. 76
Sier Francesco dal Lezze, fo provedador al Sal, qu. sier Alvisè . .	48.133
† Sier Marco Foscari, fo savio dil Conseio, qu. sier Zuane	107. 71
Non. Sier Zuan Moro el cao dil Conseio di X, qu. sier Damian, per esser dil Conseio di X.	
Non. Sier Polo Trivixan, fo podestà a Padoa, qu. sier Andrea, per esser dil Conseio di X.	

240

*In Gran Conseio.**Censor.*

† Sier Marco Foscari, fo savio dil Conseio, qu. sier Zuane	908.158
Sier Andrea Mozenigo dottor, fo avogador, di sier Lunardo procurator, qu. Serenissimo	382.679
Sier Justo Contarini, fo provedador al Sal, qu. sier Lorenzo	361.709
Sier Vettor Morexini, fo provedador sora la Sanità, qu. sier Jacomo	402.661
Sier Domenego Venier, fo ambassador al Summo Pontefice, qu. sier Andrea procurator.	371.696

A dì 29, fo San Michiel. La matina, se intese esser molti navilli in Histria con formenti.

Da poi disnar, fo Pregadi. Et lezando le letere *vene lettere di Trento et di Spagna.* Il summario sarà quì avanti.

Fu poi letto una suplication di le monache di S. Hironimo, dimanda una gallia sottil per serar il suo monasterio, et fu posto per li Consieri conciederli una gallia sottil che vadi a la maza, da poi le altre concesse, et la feramenta sia de l'Arsenal. Fu presa. Ave:

Pu posto, per li Consieri, Cai di XL et Savi, suspender li debiti, ha sier Vettor Duodo qu. sier Zorzi a l'officio di Governadori di le Intrade, di ducati 45, per do anni, atento la calamità soa. Fu presa. Ave:

Fu posto, per , che quanto è debitor di la Signoria nostra di daci persi sier Piero Loredan qu. sier Polo, et vol pagar di 30 prò che li officii possi responder. Fu presa. Ave:

Fu posto, per tutto il Collegio, che sia fatto creditor dil suo salario li heriedi dil qu. sier Anzolo Malipiero, fo consolo a Damasco, di saraffi 400 sopra le 4 per 100, come fu fatto a sier Francesco Bernardo et sier Hironimo Zane, stati consoli. Fu presa.

Fu posto, per li Savi tutti, atento fusse preso in questo Conseio che li fanti di Napoli di Romania si pagino a la Camera di , et il contestabile a la Camera di Brexa, perhò sia preso che tutti si pagi a Brexa.

Fu posto, per li Savi dil Conseio et Terraferma, dovendo andar come deputà per il Collegio nostro sopra le differentie di Oio lo eccellente dottor domino Gabriel di Pellegrini, è necessario limitarli quanto dia haver, però sia preso che l'habbi ducati 70 corenti al mexe, per spexe, senza mostrar conto. Ave:

Fu posto, per tutto il Collegio, de tuor licentia di poter perlongar muda a le galie di Baruto, havendo in Collegio li mercadanti richiesto si perlongi. Ave: 174, 13, 10.

Fu posto, per li ditti, dar muda a le dite galie di Baruto zorni 12, poi saranno zonti a Tripoli, integri, et 6 a Baruto, *ut in parte.* 183, 11, 1.

Fu posto, per tutti, atento li meriti di Francesco Dal Prà li fo concesso per anni 10 il datio di l'hostaria de la Val de legra in vicentina, che si traze ducati 16 in zercha, et perchè vien a compir li ditti anni 10, sia preso che la ditta gratia sia reformada in Marco fiol di Francesco e nepoti per altri 10 anni, *ut in parte.* Ave: 135, 13, 0.

Fu leto, prima di tutte, una parte di sier Beneto di Prioli, riconzar quel fu preso l'altro zorno; et fo intrigata.

Fu fatto seurtinio di do Savi a Terraferma, el qual è questo quì sotto scritto.

Do Savi a Terraferma, con pena.

Sier Nicolò Michiel, fo a le Raxon nuove, qu. sier Francesco . . .	64.149
--	--------